

香蘇山館詩集

香蘇山館古體詩鈔卷八

東鄉 吳嵩梁 蘭雪

次韵梧門學士約同悅性禪房觀荷

蓮花博士嬾成癖近日看花詩太少詩龕主人耽苦吟
新句似花開更早花月同游二十年我豈謫仙君賀老
賞花日日催詩逋羯鼓千聲花亦惱連朝積雨苦未晴
卧看屋檐長幽草輸君家近懷麓堂鏡裏西山黛眉掃
山陰故人昨見招絳節翩翩隨羽葆鑑湖酒美及瓜期
住世自慙緣未了落花十丈吹作船飛下人間如墜鳥
可憐照影溪水邊涼翠溼衣白雲嫺百年榮悴如轉蓬

混迹何嫌雜，傭保江鄉十畝水。田寬及此種花歸最好，
禪心儻許參妙明文字。從今罷追討清齋，莫打午前鐘。
風露可餐，吾自飽。

屠孟昭寓齋小集卽題雙藤老屋圖後

火雲如山沸人海，避暑難覓佳林泉。早晴暫出詣吾友，
濃陰老屋雙藤纏。此屋後先誰主客，此藤之壽疑百年。
蒼龍偃蹇負奇骨，不卧滄海宜參天。胡爲寄此矮簷下，
生氣鬱蟠殊可憐。主人賃屋已一載，愛爾兀傲相周旋。
花開邀我倒春甕，紫綃結蓋纓絡圓。痛飲仰天天亦醉，
豈知淪謫多神仙。花時易過酒人病，隔樹鳴咽飄風蟬。

解衣一笑坐深綠容我畫癖詩狂顛昨宵奪君兩佳麗

五湖縹緲初迴船君以仕女圖二幅見貽君腕有鬼擅三絕妙悟

參破冬花禪是日出冬花庵詩畫冊同觀老梧乞君繪秋館邀我長

句題玉延籍門庶子屬予題君所畫玉延秋館圖吏部頭廳古藤在匏庵

已矣詩能傳朱十晚徵亦憔悴手植尚有花娟娟豪家

萬金買芳樹繁華一瞥銷寒烟君去此屋幸無恙我再

看花須有緣萬一藤枯屋且廢畫中雙樹常新鮮時涼

一雨煩熱淨吾儕秋氣得最先水亭大好看飛瀑衝泥

更訪嘉興錢衍石寓在近隣池館甚佳

雨中過錢衍石澄觀水榭

吳越山水天下奇我愛匡廬君雁宕開先寺與雨龍湫
萬古風泉寫清壯如何棄作長安游松桂騰嘲猿鶴謗
擾擾人事日相求兀兀天懷誰獨放君雖小謫緣未慳
借得園居地幽曠種樹十年高出檐選石千山疊爲幘
荒池曲折路可尋叢蓼離披花自漾惜哉泉眼終歲枯
積雨暫流苦難暢連朝快雨泉怒飛樹石槎枒不能讓
穿林落礪聲逾哀小閣疎簾影俱蕩我居近巷往來頻
奇觀至此若新剏百年似水挽不回萬事如雲過旋忘
吾生窮達非預期天氣清新亦殊貺故人招隱先結隣
衰母承歡亟謀養史遷安得攜清娛表聖終須築生壙

閒吟冷醉逾中年
跣足科頭豈官樣
名心已共劫灰寒
仙骨未應塵海葬
夜歸移樹石谿館
不見林梢明月上
夢騎赤鯉騰青天
腳底千峯踏成浪

洪忠宣公手植柏歌爲介亭編修作

茶條巷中古柏樹
七百年來鬼神護
當時家塾今祠堂

樹下尋公讀書處
珠湖積翠連芝山
樹底陰森龍屈蟠

高枝能分嶺松秀

杭州萬松嶺亦有公祠

苦心似蘊江梅酸

公在燕賦

江梅引

九死鍊成忠義骨
正色中朝外持節
公如此樹

鐵爲身豈畏燕山古
來雪范公松勢干霄奇

文正公手植今存

岳墳大樹無北枝
天地正氣及草木
山河縱改根不移

吾家老桂如華蓋南宋遺株此猶在

先祖子雲公從陸子講學學者稱爲

桂隱先生樹今在石谿館其手植也

天上仙驂或往還花時定與風雲會

小峴先生聞梧門學士有招集淨業寺看荷詩盛

稱蓉湖之勝以傲梧門次韻同作

壇坫巍然一詩叟折節平生肯吾友年年銷暑借荷花

爲說鄉山更回首先生家本芙蓉鄉九龍山色連漁莊

釣竿一擲三十載出入中朝顏鬢蒼雪衣憔悴舊公子

美人相思隔千里宦游仍住小吳蓬

先生齋名花影濛濛半

烟水看花昨夜歸夢成三十六鷗推主盟飄飄新句有

仙氣浩浩白雲無世情京師人才大淵藪公許從游未

多有濟時心苦妙經綸休沐身閒愛文酒文字清新勝
綺羅萬花濃笑酒微波肯辭天上紅雲宴來聽江南水
調歌

種花我偕石谿叟花可爲家石爲友風流賀監不相逢
世上公卿肯低首看花難得水雲鄉濠濮妙旨參蒙莊
一亭誰築萬花裏湖山積翠連空蒼湖上年年種蓮子
蓮花一開香十里滿天風露已迎秋夾岸樓臺都卧水
秋光如此畫不成老梧要我花下盟此花偏得詩風味
我詩能諳花性情方今鳳麟在郊藪富貴因人亦何有
歸卧難求二頃田花時且縱千場酒故人幾日隔紅羅

徽悟上人今歸組羅山寺
下視宦海憐奔波發願誓生眾香國濯纓
姑聽滄浪歌

題萬輞岡畫爲翁星原作

茅屋俯寒磴夕陽下前嶺黃葉聲無多徘徊墮秋影不
見舉簪人一篙插漁艇

岳武穆硯

黃河風捲紅羅幟三字獄成天似墨長城萬里壞不惜
何況端谿一方石精忠涅臂死報國臣骨卽朽心不易
兩宮播棄中原沈紫雲萬古銷魂色一聲白雁南朝秋
桂子荷花生暮愁鬼神呵護硯猶在不與河山同破碎

遺事淒涼說兩京人間故物有金鶯

宣和金鶯硯今在鄭邸

石交

合附文山傳風義千秋玉帶生

石門對月和福蘭泉侍郎

嶺雲明四更青天吐華月豈知鞍馬間清詩妙禪悅濛濛衣露侵迢迢曙鐘發昨夢從公游千峯自超越

書法源寺八詠後爲覃谿師作

古寺春深翳花木廊陰碑卧苔衣綠車塵日日走東華
誰似詩人幽徑熟海棠一樹高於椽三月桃花紅映天
我來看花二十年白髮猶爲春風顛惜哉不見瘳石叟

錢先

生載瘦句難與花爭妍雨中昨又尋初地千樹濛濛交

涇翠塵昏寶塔珠幢字僧說前朝藏舍利象槐久矣成

枯株冬友

嚴侍讀長明

兩峯

羅山人聘

先後俎味辛投紱今江湖

趙郡丞懷玉

祭酒亦作西谿漁

吳先生錫麒

侍郎暝坐依圓蒲

王先

生九峯入夢青有無閒身閱遍鶯花海壇坵獨推公健
在手摹舊句付雕鐫更索新篇酬夙債石墨摩挲一愴
神題名也合附青珉壁紗無恙前游冷愁殺花陰響搨
人

先月樓應 肅親王教

凍雲如山晴始坼月輪未上海先白仙鶴一聲露華滴
下界園林方暝色窗戶玲瓏闌影長夜深月到天中央

萬重烟樹千重霜此時都化湖水光九衢歌管車塵暮
放眼難尋空闊處天風吹人酒易醒憑闌只愛西山青
肅武親王墓偃蓋松

松心不改臣節同薏苡謗雪旌奇功穹碑再立比銅柱
墳前古樹成蒼龍龍身合有風雲護萬屈千盤氣逾怒
若教直幹放參天只恐天低無着處雨漬雷燒冰雪凍
靈根拔地常森聳老勁身孤閱歲寒孫枝材大俱梁棟
遊人下拜翠沾衣偃蓋陰濃障夕暉濤聲萬馬奔騰入
猶似松山破陣歸

覃谿師以東坡潁州西湖月夜泛舟聽琴詩殘碑

拓本見貽卽用其韵奉謝

灑灑酒中月濛濛衣上雲湖山曠如此相喻惟桐君餘
音不在絃餘味不在尊涼風吹夕波五字銷微醺潁州
七百年斷碑出苔紋蒼龍舞醉筆仙樂驚創聞蘇齋一
瓣香供養矢晨昏此心鑑湖水萬古無澄渾

江子屏藏善本書甚多歲歉持用易米念之心惻
自記以文屬爲賦詩

藏書八萬卷讀書三十年躬耕無一畝賣文無一錢吾
儕抱書死亦得忍令儒林少顏色高堂況有垂白親負
米窮途感晨夕元鈔宋槧連籤厨全家不飽惟自娛一

朝割愛換升斗十年感舊增欷歔亦何爲擇術君
太苦識字由來憂患多論文底事窮千古飢餓經時晝
掩關破書仍擁屋三間誰似仙人能辟穀謨觴唐述有
名山

題慶佑之方伯泛月理琴圖

江上吐圓月水雲蕩空明有人張淨琴衣露涼三更見
者疑隱居自櫂扁舟行誰知繡衣客奉使方南征是時
公少年朝望已崢嶸豈借水仙操來結沙鷗盟及持七
閩節海氛初未清公至惟坐嘯從容翦長鯨關中改吳
會澹定如平生民溇漕不擾吏潔庫亦盈始悟琴理妙

萬物通性情夷猶山水間翕然觀政成我愧蘆中士吹
簫多苦聲爨材辱奇賞感激孤懷傾望公贊元化早繼
父與兄謂文端公及丹年相國朱絃一以奏中外胥和平

題吳巢松庶常花首彈琴圖

五百仙人君第一小謫猶簪上林筆夢裏游山踏鳳車
絲翅如輪碾花雪箏琵琶繁響徧人間獨抱青琴渡海還
平生我愧稱同調雨合風離似此山

西園八景爲王簀山太守作

靈山

千山遶郡城此與觚亭對白雲出復歸陰晴極殊態有

時雲忽停其影落山外朝朝拄笏看蛾眉掃新黛

信江

信江三百里怒濤不肯東高岸觸更迴往往聲激春夜
聞雷雨壯仰天月正中瀑布落何處夢遶香爐峯

文筆峯

萬古筆一枝秀出南斗旁具此挾天手八代無文章岱
嶽吾所宗吏部誰抗行下視諸名家餘氣猶青蒼

古鐘

江鄉有搏鐘貢作

天廟器

乾隆中江西進呈

巡撫以古鐘欽定爲搏鐘

依制增置廟祀誰以綏雅才委此荒寒地寺遠沉雲聲山空感

霜氣太息摩華鯨古苔繡成字

荷池

荷葉綠於水花枝比人長水月弄雙影風露同一香吾友陸放翁吾師賀知章鑑湖不歸去笑煞千紅粧

石笋

石丈有奇骨根借水雲養其下見游魚空明自來往頗聞玉山陰秀壓太湖上結屋許巖居漁樵亦吾黨

竹院

種竹綠成天竹孫大於母涼風林下來可銷三日酒亭亭稍雲枝掃地亦爲帚窮達樹清節願與此君厚

桐廬

高梧隱華月秋陰散庭除月斜影微歛涼葉猶蕭疎吾

家石谿館樹根一卷書孤鳳念儔侶愴惻當何如先伯

香與余同學家塾萬輞
岡爲作桐屋讀書圖

明閣部史忠正公家書蔣心餘先生所藏乾隆癸未先生

得此書及公畫像於京師今刻
石揚州嵌梅花嶺公祠堂壁中

供祀無兒守家廟歸葬無骨埋青山手澤只此書一紙

儼與畫像傳人間其時揚州勢累卵四月二日陣雲壓壘

重門關目光如炬筆飲血太祖列宗同鑒觀生氣至今

不泯滅死志預定能安閒嗚呼明季非乏才將相坐廢

山嫌猜東南半壁公孤掌四鎮不協何爲哉平生報國
惟殺賊豈念家書萬金值夫婦堂堂大節同不負圍城
數行墨梅花嶺下公祠堂碧血慘澹生古香吾祖曾辟
信公幕公之手劄今家藏安得妙手刻貞石與公此書
皆拱壁天地蒼然留正色

先祖諱名揚宋江西制幹兼
禮兵部架閣文公三劄皆託

寄軍餉事見鄧光薦
續宋書文丞相附傳

鵞湖雨前茶

紅鵞山下茶千樹道人采芽先穀雨掃葉宜烹石井泉
浮花還滴雲巖乳蛾眉無分屬東坡苦說詩清爲飲多
自笑冰銜茶博士如今風味病頭陀

思元上公嘗作茶
博士傳見贈余近

有句云苦茶
風味病頭陀

留別鵞湖書院兼寄芝圃中丞

維國多遠謨造士爲本根英才就陶鑄道以儒者尊維
公蒞江右重望推屏藩一秉中丞節風教益以敦講學
進多士六藝窮淵源菁莪秀中沚桃李羅公門鯁生荷
嘘植經席容暫溫臨行侍清燕再拜求格言公謂貴實
學輦輓非所論汝名著鄉國汝官本成均當使教化美
毋負

朝廷恩

鵞湖間氣鍾山水極幽勝培養七百年絃歌久逾盛在

昔明季葉奄兒盜國柄書院及祠堂奏毀著爲令此邦
教澤深衛道獨嚴勁至今一瓣香鹿洞圭峯並緬維宋
四賢德業共醕正門墻見或岐師說未爲病

景運開中天

心法紹前聖大哉惟

王言曰窮理居敬

康熙五十六年
御筆

奎章萬古懸煥若斗杓映小臣林下來仰觀實榮幸諸
生際

昌期

恩波恣涵泳義利辨旣昭異同論毋競

三代治化隆教養無不該學校與井田遺法猶可推此
地皆沃壤所產多異材山畚塹逾寬溪水周復迴守者
或未善繡塍委蒿萊斧斤不時入松柏燒成灰況有鄰
寺僧百計思戕摧遂令養士資化爲佞佛財鄭公古循
吏志量尤恢恢清釐復舊業寒暖加栽培我讀書田志
一字三低徊證以萬曆碑餽羊殊可哀復古有深心勿
避流俗猜敬告賢太守鑒此知取裁

讀書借名山荏苒已經歲雨花辭故柯霜葉響閒砌詵
詵同舍生相依若子弟論文久益親載酒遠亦至聞我
念倚閭早晚策歸騎握衣問前期泫然墮清涕爲言講

授勤稍稍識文義一暴而十寒匠門恐終棄訓迪我何
有感此但增媿願以深沈思養汝英邁氣吾母年七旬
出山本非計大賢體人情推仁當不匱謀養近鄉國茲
遊或可繼回望峯頂雲依依送寒翠

題曹駿耕郡丞竹林宴坐圖

主人愛竹同標格手種新篁一千尺午陰搖水響成秋
不許扣門來熱客君家老阮舊題襟白髮年來亦滿簪
龍孫箇箇捎雲長把臂何年許入林

石井

我聞石井龍所居其深定可八千尺及見寒泉一鑑清

出雨興雲恐難必道人勸我無妄猜神力能救東南災
尋常一唾污澄碧山石怒裂隨風雷昨日龍來飲潭水
倒捲滄波入雲裏下界微聞過水聲甘霖已遍雲歸矣
始知山澤氣本通妙用不測惟神功莫嫌鱗甲無多滴
四海蒼生被澤同

積翠巖

一峯拔地逾千尋矯若怒笋穿高林亂石層疊爲連峯
一花一葉青芙蓉一洞沈沈白雲裏積翠空濛化烟水
佛香飄出磬聲中覺花忍草皆歡喜花外斜陽渡小橋
橋邊知有采蓮橈洞天多少清涼地秋熱人間尙未消

題秦筠谷明府戒旦圖兼寄小峴司寇

作吏二十年有守兼有爲平生得力處卻在鷄鳴詩此
詩讀者多此義知者誰德業貴交勗憂勤爲始基州縣
沉劇任案牘勞於絲上官苦督責下民易怨咨一事決
不早百弊皆潛滋敏者懼難給何論荒於嬉君秉哲兄
訓爲學先自治所效在職守豈較官崇卑且聞內助賢
素風安縞綦相警如詩人出入星爲期自君蒞臨川
勉無曠時興利植本根除害窮毫釐餘力及旁邑游刃
功亦奇稍暇進多士勸學尤孳孳我家近棠陰少年竊
早比余弱冠曾主講興魯書院訪舊夢歐亭誦君無異詞縣齋春雨

晴酌君花下卮座中一客無傾襟了不疑君憐我性顛
謂當稍推移理直氣太壯恐爲忌者持我謂君太嚴下
情或未怡以和濟其清至誠孰能欺君負經濟才用世
思咸宜我留奉母身骯髒安所施感君愛我厚相視欲
涕洟瀕行出此卷願我盡良規示以哲兄文謂我當繼
之於戲司寇公大雅吾所師卽此數行墨終身堪取資
我愧聞道晚濫受君子知賡歌偕老宿

在都與公及翁
覃谿先生法梧

門學士唱
和最多

贈言及閨帷

公有題余姬人
絲春畫蘭詩

別公今三年念

公如渴飢公雖乞病還

主眷未稍衰著書九龍山天下想風儀我已理祥琴復

抱騎省悲暫飲驚湖水貧養苦不支出處各自審臭味
寧差池爲君題卷尾附達茆茆私

題汪與之雨窗懷舊圖

眉山兄弟誇連鑣愛而不見心勤翹同叔寄我詩一卷
清若夜雨鳴芭蕉中有懷人數行淚不惜寓書千里遙
聞聲相思尙如此何況平生稱久要君才絕人氣不驕
直諒多聞皆可招願求輔仁必勝已先貴實用除浮佻
我衰自知才臃腫乃辱下采言芻蕘末技雕蟲悔何補
虛名畫餅飢難消高義感君貫金石壯懷記昔干雲霄

紀癸丑甲寅
吳越之游

五侯載酒拓金戟

書敘亭制府陳東浦方
伯曾賓谷都轉謝蘊山

中丞李松

九老看花同桂橈

王蘭泉先生錢辛楣袁簡齋王西莊王夢樓趙甌北

秦小峴梁山舟吳穀人諸公

風流畫遍幾團扇

張雪鴻羅兩峯

新句繡人生

絞綃

金氏織纖周氏湘花

當時志業在不朽卻借山水寬無聊白

頭萬事負師友綠蓑三載偕漁樵舊遊回首隔人海離

緒關情如信潮嫩涼昨夜風瀟瀟簾陰黯澹燈動搖夢

中握手醒流涕笛聲送我銷魂橋

是日發時帆學士書夢與劉芙初顧南雅

集翁覃谿先生蘇齋選過詩龔觀哲兄均之所作畫記雨中別去次日即得君書亦一奇也

臺省諸

公自袞袞名山知己殊寥寥但許同心結蘭臭豈因異

地哀萍飄君家阿邁能惠邀

謂令姪星石

幔亭峯頂掛雲瓢

迴波九曲浸空翠君來鼓櫂吾長謠

題朱砥坪廣文有秋圖

硯田不盈尺同耕三十年出處道豈殊相對今華顛君
志老逾篤君節窮逾堅本仁而陳義播種有後先敷化
若時雨潑壘爲春煙多士出培養有子能象賢良苗秀
且實計日登豆籩誰云五穀美不及桃李妍一樹乃百
穫食力非貪天鹵莽亦何爲敢怨風露偏

下士優上農代耕古有祿廣文今冷官一飽亦奇福我
昔領槐廳中外同宦局忍飢常閉門覓句踏寒綠投簪
悔已遲乞食願易足一笠歸南湖觀稼及秋熟衰親養
亟求棄產苦難贖負笈來驚湖與君作鄰曲講學嗟未

能耦耕似堪卜且以一日勞換此五秉粟

鷺湖山水清其地多膏腴養士制恆產膏火資有餘經
理惜未善胥吏多侵漁不若峯頂僧坐飽香積厨我知
守令賢教養心勤劬請續鄭公志復舊增新租君職在
學校此事同憂愉我爲題卷末積願借一舒舍已而芸
人自笑計太迂胸有萬頃秋空無儋石儲

蕙風閣悼亡詩爲原配劉宜人作

嗚呼吾婦歿忽忽遂踰年欲哭淚已盡淚盡心煩冤今
將就幽宅一棺閉九泉無以抒吾哀曷由著汝賢汝故
循吏女其事有足傳外舅

完璧先生

宰新會地頗稱腥羶舊

令女公子皆收常例錢云以助膏沐歲可三百千外舅
峻拒之誨汝殊拳拳謂汝家故貧節儉宜素嫻汝翁介
如我無須誇綺紈外姑舒氏循內則教汝勤且專逾笄始
歸我布裙而竹奩然能事吾母侍養靡弗虔勞瘁及井
臼黽勉供粥饘每窮十指工僅博一味鮮吾母體素弱
衰疾常纏綿汝謹視湯藥晝夜廢餐眠吾母性慈厚一
女尤愛憐謂汝劬且恭愛之如女然嗟我少孤露營葬
力苦殫負米復千里望眼門閭穿官逋迫羽檄旦夕溝
壑填寬大荷 恩詔苛急由吏權多難邁諸父羣從
久不悅匡救我術窮避之室屢遷一避於金谿賃居屋

兩椽暫依汝父兄旅食鬻釵鈿再避於撫州修脯資講
研執政鑒烏私擇地就所便吾兄復客死負骨京師還
全家幾日飽隻身百患纏惟汝實共之隱憂難自宣上
堂笑語溫入室涕泗漣幸賴祖父澤公私皆保全一科
如晚嫁一第乃登天輸貲累良友寸祿營青氈汝實奉
吾母就養來日邊江程溯吳越驛路通幽燕是歲值河
溢蛟鰐垂饑涎買舟倖濟達登車復迤邐羸驂至傾軼
性命寄危顛吾母荷神佑行李壓汝肩以茲患臂痛間
發如拘攣京宦味本薄與汝同苦酸門自盛車轍竈或
停炊烟積資已五載郡丞冀外銓所亟在甘旨所慕非

旌旃哀哀嫡母星奔歸故廬吾母幸無恙躬耕求薄
田決計偕汝老抱孫慰慈顏詎知心血枯病已膏肓煎
數月備諸苦百藥不可痊吾母念汝孝暗淚常涓涓謂
汝則已矣衰病誰周旋我哭不敢慟老母在我前肝肺
迺摧裂隱若鋒刃剗汝歸廿七載生育非不蕃六女天
其四一男殤已先若使俱長成繞膝亦暫歡兩女汝所
嫁粗可供蘋蘩所恨距家遠廬阜暨黎川我嘗置側室
蛾眉頗連娟汝不膾倉庚能誦樛木篇豈無譏構入一
笑爲盡蠲蘭徵久未聞憔悴失故妍汝亦坐此病瀕死
雙睫懸謂我宗祧重亟當膠斷絃我心如死灰寧復思

再燃徒以吾母在視息俱苟延汝歿妾有子汝出何異
焉魂魄慰可知不問筵與尊嗟汝我良友平生藉磨鐫
恩以伉儷重義迺金石堅我少慕文章藻采殊翩翩汝
規我以朴毋以膏自殘我壯慕功名祖生懼先鞭汝規
我以退銳進多險艱我性過于慇疾惡常太嚴汝規我
以和涉世餘寬閒我性過于疎不知避謗讒汝規我以
慎跬步持冰淵汝今棄我去意行忘檢閑萬一躓且墮
悲哉孰與援汝貌靜且莊端居無妄言所得未中壽其
理安可詮繫我實不德內省積尤愆以此累及汝骨肉
同棄捐汝性惠且溫小詩亦可觀中更憂患多不復親

丹鉛敗紙昏麝煤手跡或未湮棄之我何忍撫拾附殘
編昨夕夢汝來絳節胡翩躚謂已歸鑑湖爲我種青蓮
待我還舊秩同此驂雲駟汝爲己放鶴我如未蛻蟬何
時脫塵濁偕汝游三山曉鐘喚我醒遐想猶騰鸞以亥
塞吾悲解脫寧非仙制淚磨凍墨書此銘墓輒名山計
亦左結習難盡芟不朽未可知願締他生緣

題王簣山觀察紀事圖八首

待漏圖

金殿開九霄銀箭催五夜秉銓慎所司橐筆整逾暇仙
樂遙聞禁苑寬籠紗列炬擁朝官豐貂暖敵霜威重應

念人間正曉寒

出京圖

入參鵷鷺班出領山水郡故人滿東華殷勤酌良醞一
車兩馬風蕭蕭送行直過盧溝橋願書上考爲循吏豈
讓新詩賦早朝

抵里圖

飢鳥投前林勞魚懷故壑持節許暫歸晝錦亦云樂門
巷當年冷似冰崇祠華表今峻嶒恩榮已是書生
少苦說

君親報未能

渡江圖

奔流赴海門三山力與抗怒石崩爲雲無風濤亦壯我

無健筆凌九垓敢同韓孟相追陪

王夢樓先生書余與曾賓谷都轉京口三

山聯句詩碑今嵌焦山寺壁

怪君詩有清雄氣曾踏金鰲背上來

夜課圖

孤兒手中書慈母眼中淚書熟淚亦枯天寒雞唱未烏

頭綽楔邀

殊榮母志初酬兒宦成一窗燈火三更雪夢裏猶聞機

杼聲

秋試圖

長白雲一鈴錦湖風一櫂誰知科舉人卻愛登臨妙櫻
桃宴後馬蹄忙兒輩俄登選佛場青衫珍重收行篋中
有槐花舊日香

雅集圖

萬峯抱郡城空翠入庭戶桐陰領鶴行記取尋詩處琴
履西園共讌游看山曾說似滁州慙愧鷺湖舊山長一
杯同醉亦風流

一杯亭今在
信江書院

遊山圖

白雲鋪海綿青天飛布水蓮花一萬重吹墮芒鞋底太
白東坡先後還使君語妙非人間一事輸儂腰腳健雨

中昨又入西山

香蘇山館詩集卷八終

香蘇山館古體詩鈔卷九

東鄉 吳嵩梁 蘭雪

武夷紀遊詩

武夷之君吾舊識四十七年感淪謫人間秋鬢易成霜
孤負青山好顏色驚湖計程三日遙兩山相望何岩堯
手把芙蓉花十丈昨見仙人雲上招身騎鶴背風蕭蕭
汪倫情比花潭深日暮不來雲碧陰名山良友失交臂
縱有後約難爲尋徐公石溪明府愛我興超越爲辦行滕徑
先發天柱峯頂通天橋願踏青天入明月第一清遊此
佳節汪君星石約同遊以事牽不果

天公妬我腰腳頑一雨似欲妨游山中秋卽過亦可補
吾生進退殊寬閒閨中豈解餐霞味一笑翩然挽雙髻
請攜筆硯入仙山大有藏園舊風致匡廬佳話今應繼
將藏園先生嘗攜眷屬
游廬山姬人今亦偕行

背郭人家幾茅屋粳稻連雲水村熟紫溪烏石尤可憐
百道清泉萬竿竹天香忽送過墻風金粟花開廢園中
今宵得此飲可醉折花明日行匆匆平生孤賞何人同

是日
中秋

雄關屹立界水分腳底萬山皆綠雲參天古柏九千尺
五大夫松猶耳孫雲陰漸沒懸崖樹十八盤多穿磴路

沖舉原從苦行來此是吳翁傳道處仙風冷冷吹晚渡

由鉛山至崇安道中風景頗佳紫溪鳥石分水關小將嶺五渡橋其尤勝也

一笠斜陽入山郭山翠如濤向西落小樓臨水借三間
塵市居然有林壑月出山頂橋卧烟收網人歸空釣船
游魚來往見清影搖動月光無定圓此身已在清涼天
灘水谿沙相映清仙山一見心妙明石楠樹多桂花早
寺門先有香風迎鐘鼓虛堂眾仙守賜田萬畝今何有
幔亭亦作種茶田管師絃師無恙否我來但飲會孫酒

武夷宮幔亭峯

賓雲一奏虹橋斷橋板千年偏不爛一舟奇絕架兩崖

釣竿搖搖插天半
玉女明粧臨鏡臺
山花濃壓髻雲堆
飄零仙蛻歸何處
三姑石在空蒼苔
天上人間同可哀

架壑船

玉女峯

山君長嘯迴天風
卻疑仙樂張空中
蒼厓削鐵五千仞
細看果有飛來鐘
水嬉古洞無人迹
我愛巖居轉幽寂
一方寒淥女兒泉
哀玉琤琤聞細滴
夜涼更坐玲瓏石

虎嘯

岩

中峯一閣造天表
下睇萬峯殊了了
白雲忽送海潮來

玉華

峯

浮出如萍小
月明當午雲盡收
仙掌峯高擎最

上頭一聲鐵笛蒼龍叫
瀑布千尋皆倒流
快哉今日吾

中秋天游
峯

雷斧劈山山怒裂樹杪懸流舞晴雪一杖穿雲扣石扉
稻隴茶畦洞天別滄桑小劫感難勝幽壑曾燒古佛燈
十三君亦避秦客何地仙源無武陵桃花千樹栽猶能
源小桃

仙雲如蓋覆山頂散作羣峯卧溪影身入雲中轉不知
下界茫茫白千頃岩桂重尋第幾株天香零落飄青蕪
一聞清磬心如水方悟前生此著書下山相值舊樵夫
白雲洞中有
白玉蟾小像

回權九曲歌聲長三十六峯明夕陽石竈摩挲手題字

溪烟裊裊茶生香水月松風美無價山中志豈忘天下
身是鵞湖學道人一半白雲應可借來葺先生此精舍

武夷精舍今爲
朱文公祠宇

將遊廬山別方茶山太守

扁舟昨出彭蠡湖浮天積翠來匡廬惜哉風利不能泊
望窮飛鳥心先徂遊跡記我年十八道經山背歸洪都
大雲一白湧成海出沒向背峯峯殊瀑流萬丈松蔭株
雷雨戰合羣龍趨山南山北不可辨但聞雲中五老相
招呼此山一別廿載餘雲泉清夢無時無匡君此行失
交臂鸞飄鳳泊何爲乎洪厓有約況久虛笛聲淒斷黃

公壚

世存編修約同遊不果

勞生百事不快意縱遊五岳直良圖

江山到眼且一醉達觀千劫同須與明朝策杖休踟躕

徑尋布水登香爐謫仙邀我踏雲去腳根萬朶青芙蓉

由東城坂入九峯

久晴西風雨久雨西風晴我信野人語遂作看山行行
行渡溪橋步步皆雲水我愛流水聲人行白雲裏雲裏
有人家柴門臨水斜門前怪松樹屋後高梨花梨花高
入雲一白迷行路迴風送香來始悟花開處

龍盪崖

入山望瀑布蜿蜒如長虹始知山下泉經流皆九峯巨

石塞厓口百折氣逾雄我行溯流上取徑奔濤中一身
濺花雪兩腋生雷風倏驚破山出天矯來蒼龍俯視幽
澗底乃卧千丈松松卧雲自行出沒無定容山半已如
此翠微安可窮

馬尾谷

腳底雲蓬蓬頭上雨如注懸厓松更陰束峽瀑逾怒去
年聞出蛟百怪一奔赴勢可漂羣山力能拔高樹樓閣
今幸存溪澗已非故搜險得奇觀狂游未爲誤

清俸橋

穿雲入古寺跨壑橫大橋佛力制乖龍至此氣不驕橋

上連九峯積翠凌紫霄橋下滙眾流觸石山爲搖卻立
倚橋柱仰觀何次寥雲海天風迴浩浩如歸潮

九峯閣

九峯有高閣嵯峨與雲平峯峯殊向背日日兼陰晴一
峯雲漸吐裊若炊烟輕會合爲大雲積氣岩壑并長風
天上來驅雲山亦行一雲相往來九峯爭送迎雲氣釀
爲雨咫尺銀河傾見雲不見水震蕩風雷聲雨收雲緩
歸徘徊若有情萬松隱斜照紫翠不可名我爲看山來
山下雲又生詩亦如白雲隨意爲縱橫

唐權使因緣碑

公名英爲僧近如製磁碣序云證因緣而來了因緣而去人呼爲因緣碑

流水與行雲相遭無定期山水文章間因緣妙可思唐
公昔秉節結交蓮社師範此青花質表以白雪詞我讀
近公傳清涼入心脾一朵妙蓮花見佛當手持亮彼虎
溪笑應無峴山悲真實得上諦焉用浮名爲公去七十
載遺跡蒼苔滋前因我再續循廊和清詩潺潺流水聲
藹藹行雲姿茫茫後來者繼我當爲誰

茶山草堂歌

有序

方茶山太守比游匡廬至報國寺後山愛其樹
石雄秀築室五楹若將投老焉屬余賦詩

我家石溪西漁隱蘆花裏一生詩愛陶泉明恨不移家

來栗里君家半茶山自名爲山樵一官但飲九江水七
賢五老能相招今年我作廬山游載酒因君登庾樓連
旬積雨阻高興竹杖芒鞋何所求前日游九峯冒雨上
山閣石船雲氣腳根來天柱泉聲眉際落今日尋天池
踏雲經古寺一竿插影入層霄一鉢擎花出空翠施竿鉢孟
皆山名寺門老松三百年寺背新筍粗于椶林陰漠漠水
涓涓嵐靄下合溪成烟巨靈手劈太華蓮化爲奇石態
萬千龍跳虎卧鯢鵬竊至此馴伏皆皈依禪君來結屋山
東偏饑餐落花渴飲泉謂君好奇心未然君今不歸坐
無田石室非慕程法賜草堂亦非白樂天我行我意止

則止非吏非隱仙乎仙邀我作詩君自記我詩能道意
中事一榻願分雲半間漁弟樵兄同入山

東林寺讀王陽明先生詩碑卽次原韻

虎溪橋荒卧幽艸三笑亭空山色好苔花一拭陽明碑
筆力高騫詩格老勲名蓋世殊可哀青天誰掃浮雲開
樵舍火攻賊氛淨石城俘獻流言來聖門功罪漫稱首
曲學陷人如中酒平生得力在良知緯地經天同不朽
讀書我未窺門庭但愛山石連雲汀古松曾見題詩客
雷雨冰霜萬劫青

青玉峽次陽明先生重游開先寺題壁韻

百戰功成若無事偏愛清游尋古寺仙詩化作垂天雲
留住玉龍不飛去一龍夭矯從東來一龍西下山怒開
雙龍會合萬峯舞天潢屈注潮聲回謝公蠟屐陶公酒
太白東坡才八斗名山此後屬先生大節高情古稀有
黃龍寺觀明勅賜藏經元人十八羅漢圖

霞封寺荒不可游峯迴路轉聞溪流流泉激激入深樹
斜陽慘淡天爲秋四山中圍開鹿野玉屏峯連石林社
壁字猶鐫尺五天天人緣陰惟一罇萬杉直立參重霄
長松古檜同蕭蕭御碑亭子六丁守斧柯不敢尋山樵
寶樹莊嚴古無上銀杏培根亦千丈旁枝偃作蒼龍身

僧戲騎龍如踏浪名山老樹閱雲烟一飯同叅玉版禪
阿羅漢畫蓮花藏猶記神宗勅賜年

天池寺至文殊臺獅子臺

天池之山千萬峯尺吳寸楚眉睫中雲氣下山漲成海
鐵船漂泊如孤蓬天池之水清一勺積潦不盈旱難涸
偶爲霖雨不自知萬古人天甘寂寞天池之樹不計年
偃蓋十畝松陰圓一株橫絕卧崖腹虬枝屈鐵苔花纏
天池之石鬬奇骨拔地參天皆怒立青獅俯受文殊騎
下飲寒溪態尤活天池之屋十數間昔極壯麗今荒間
一筇立盡高松影山下白雲殊未還

佛手崖至羅漢洗腳池觀竹林寺遺蹟

隻手擎中天萬劫青不壞天馬與大鵬至此皆細碎洞
室空若鼎崖石覆爲蓋乳竇嵌玲瓏天泉流沆瀣架壑
一樓孤凭闌九州隘江流近可掬塔影俯疑拜微雲裊
樹梢繚白若衣帶須臾成海棉鋪遍大千界天風相卷
舒山勢恐奔潰瞑坐身已浮曠觀眼無礙徑仄稀樵蹤
叢深見蛇蛻寺影尋竹林鐘聲出山背仙佛信渺茫吾
心自恬退洗腳有清池誓將脫塵壘

天馬大鵬
皆峯名

三峽橋

瀑水下遙峯迴望若殘雪漸爲匹練垂出林亦飄瞥棲

賢滙眾流石奇路逾折及此爲驚濤積怒始全洩陣雲
千騎奔雷斧萬山裂上傾有漏天下注無底穴危橋劃
斷虹峭壁削蒼鐵五老連臂來澗水疑可啜潭深龍氣
腥風遙松籟咎哀響淒肝脾陰涼濯毛髮沿溪得茅庵
酌茗味禪悅始知靜者心萬緣不生滅

五老峯

廬山無主峯峯峯自雄長五老分獨尊橫絕眾峯上一
峯一老人萬古相俯仰氣盤五百里骨立七千丈九疊
圍屏風三泉注盆盎哀哉峯下人翹瞻心魄盪吳楚閭
粵山一髮窮莽蒼渺然江與湖浮空入吾掌昨日游黃

巖已入非非想探源豈終窮造極必孤往今來觀禹功
乾坤始疏朗奏漢矜磨崖陋矣安足賞

三疊泉

昔聞三石梁倒瀉銀河水絕境無人知仙蹤苦難紀泉
源大月訕來門入玉川始天光一線青徑仄不容趾雲
乳初玲瓏雨花漸飄委冰雹橫空來雷霆破山起怒濤
相激春悍石自磨砥萬馬爭雄關一鼓下堅壘老龍性
愛潔積垢快初洗注爲千仞潭滄海出其底當時得新
瀑晦翁頗狂喜謫仙竟失之毋乃名山恥我會考圖經
石梁疑卽此陵谷有變遷通塞亦常理豈無冠世才遭

時出奇偉不然如茲泉埋沒千年矣我才愧古人所得
較爲侈願跨金鰲背觀泉悟微旨

編底池歌自序

編底池在紫霄峯下按集仙傳王敦據武昌叛
許遜吳猛郭璞欲說止之璞先見殺許吳擲杯
爲鶴俾眾咸仰觀遂隱去至江上適舟師無與
共持舟者乃以兩龍夾舟行空中東經廬阜俯
觀紫霄之勝兩舳戛木槭槭有聲舟人疑而窺
之龍怒委舟去舟遂墮壤惟編底僅存舟師後
授丹訣亦成地仙池其遺蹟也

一杯化鶴飛武昌兩龍夾舟來豫章龍氣吐納爲陰陽
天風浩浩雲茫茫兩舷下戛千尋樹知是龍行稍低處
舟師竊視龍公怒竟委仙舟破空去仙人大笑招舟師
失腳幸有雲扶持餌以丹砂換凡骨俾爾離塵亦超忽
嗚呼郭景純乃以死報國許吳騎龍計差得白眼老奴
甘作賊長年徑入蓬山籍神仙從古無資格君不見扁
底池上峯紫霄枯槎卽是升天橋

李太白讀書臺

匡山讀書處頭白不歸來金匱石室惟荒臺我疑太白
非仙才神仙御風行暫居亦蓬萊俯視九州若瀋溷出

雲入泥胡爲哉君本長庚星人海偶遊戲朝下峨眉
山暮踏長安市宮嬪如花捧硯來沈香亭侍君王醉
了吾事者郭汾陽識吾心者賀知章將軍脫鞬頗吾
辱要挽銀河濯雙足一朝謫滿辭王公依然手把金
芙蓉十洲三島未免太卑溼洞天卽在五老之中峯
奈何不肯自韜晦一生徑坐囚詩窮高歌半夜鬼神
泣搖筆萬里雲烟空天之所秘不可洩奪以奇句天
無功上帝聞之怒其頑罰令不得歸仙山烽烟躑躅
行路難豈容高卧雲松間我疑太白非仙才乃以才
累殊可哀瑯嬛一閉不復開洞口日日惟風雷請君
投此夢花五色之神筆埋

以陰壑萬古之蒼蒼人間俯仰甘塵埃悔過或望天心
迴踐汝丹厓翠壁舊盟誓毋令山魃木客相嫌猜我才
非仙亦非鬼折除清福今餘幾昨夜見君弄明月身跨
鯨魚瀑雲裏詩雖苦吟才不高天應薄罰寬吾曹讀書
願借青蓮谷不乞先生宮錦袍

王文成公紀功石刻

看碑昨入東林寺其詩與筆皆勁蒼百四十字勒厓石
此尤鉅手扶臣綱嗚呼正德政失常宸濠逆餓何可當
南都一陷京輔震天心未易占存亡公將赴閩值奇變
歸掃其穴收南昌是時安慶圍正急聞此捲甲迴風檣

賊眾驍騰十八萬連帆蔽天來合戰公繞賊背出奇兵
大陣如山忽中斷死者填江生四竄賊兵再收戰逾悍
公以伏兵爲火攻千艘一炬皆焦爛樵舍三戰烽烟平
天威赫赫方南征六師未至功先成功成不敢居其名
名亦不歸罪且并九華夜坐聞江聲公自澹定如平生
平生學道有眞識用兵如神乃難測皇靈式昭戰則克
天方嘉靖我邦國小臣何敢貪天力此文紀實非自矜
推本廟算尊朝廷神武不殺天子聖豈知江彬與錢寧
讒焰熏天張虎口補天已完公斂手疑公宥公天意厚
公視其身亦何有今與廬山同不朽

黃岩絕頂觀瀑同惲子居司馬作

君持一杖游山南我戴一笠來山北開先寺裏一相逢
狂叫拍肩人不識人間失腳四十年朱顏漂泊俱華顛
今日同結名山緣君寧非佛吾非仙九十九峯高插天
峯峯妙有飛來泉泉流所經我亦到上求石梁下玉淵
青玉峽前水奔注雷雨翻騰氣逾怒瀑布源從雲上來
探源更入雲生處黃岩壁削天當中山飛水立爭清雄
水綃萬丈捲迴風夕陽紫翠難爲容文殊塔頂摩蒼穹
下界擾擾如沙蟲咄哉我輩布襪青鞋底迺有星宿之
海垂天虹仰天一笠墮山背吹作仙雲大于蓋請將君

杖擲空中定化神龍戲滄海雲龍萬古常相逢投筆仍
爲雙劍峯

谷簾泉

發源漢陽坡西下康王谷百道忽怒飛兩崖不能束古
洞垂疎簾寒聲扣哀玉曳白如長雲懸流映空綠澗旁
別一泉石乳清可掬奔騰改奇觀清甘表前躅在昔桑
苾翁論水有條目所取第一泉諒非千仞瀑手摩晦翁
字飲此岩下淥兩腋清風生茶經當補錄

鋪澗橋至廬山高處觀歐陽文忠公詩碑

山僧送我踰石岡一笠借我遮朝陽清游昨夜已如夢

松風颯颯吹衣涼松聲漸近溪聲怒錦澗橋橫兀如故
雲罅微茫俯萬峯已入廬山最高處竹林寺後隱靈臺
學幻言龐亦可哀千秋絕識歐陽子猶見盤空硬語來

大明公祠

述德祖神禹學道師老聃廬嶽得名始遂冠天東南福
地三十六秘笈誰能探

醉石

義熙有貞士飲酒忘其年須知栗里村卽是桃花源此
石今亦醉雲卧聽潺湲

松門

謝公觀石鏡會作松門游遙月隱蒼巖聽猿生暮愁何
必入蓮社論詩亦清流

石門澗

遠公持定力荒山闢精舍至今石門水雲雷自奔瀉白
蓮花再開誰繼東林社

香谷

永公自清散傾倒何將軍宴坐三十年供養惟白雲向
來棲隱地妙香時一聞

簡寂觀

元德秉高秀不樂居華嚴平生一杯酒獨共陶令酣苦

筭味乃佳吾當脫朝衫

翟公石室

三世執高節不就朝廷徵石室而草衣皆以孝友稱嗚呼至性人豈欲爲枯僧

青蓮谷

仙才世無敵宜居第一山騎鯨下滄海雲巢終古間瑤草已可拾願早辭人間

白鶴觀

白鶴不可招開元鍊丹地古松流水間聽棊花院閉東坡故天人論詩得仙味

讀書臺

李後主遺蹟作
昭明太子者誤

南唐四十州換此一片石落花下人間夜雨感蕭瑟亮
非經世書誤讀亦何益

香山草堂

香爐有三峯草堂對東林遺愛寺俱廢舊居不可尋元
和一株樹猶爲香山陰

招隱泉

陸羽著
茶經處

招隱有佳處名以高士知不飲第六泉安知三峽奇我
亦茶博士茶神祀者誰

杏林

董奉
舊跡

仙杏換斗穀種田輸種花學道能救人虎亦馴其家吾疾不可治沉痾爲烟霞

凌雲庵

著書參龍子結屋凌雲峯知己死不恨得一香山翁我讀薦士札感涕千秋同

石溪亭

元集虛隱居

名在貞元間詩贈香山叟門前五老峯影落杯中酒城居悔已遲故溪吾別久

余家亦有石溪

相辭澗

蔡尋眞李騰空舊蹟

金閨兩嬋娟丹成陟層霄水流相辭澗花落相思橋誰

似太白妻乘鸞能見邀

濂溪港

先生愛蓮花官亦前博士光風霽月間萬物皆春氣請酌濂溪泉中有蓮花味

卧龍庵

朱子所記

文公孔孟徒乃祀諸葛像卧龍有奇氣風泉亦雄宕惜哉劉隱君未撰先生杖

李氏山房

公擇構山房遺書昔萬卷一庵有經聲雲深人不見松風林下來高花落如霞

西源庵

崔嘉彥隱居

策干趙丞相記求朱晦翁咄哉用世才投老荒山中吾欲觀所養西源未可窮

冰玉澗

劉凝之隱居

家居落星灣庵結清淨退窮居四十年冰玉乃無愧一咏廬山高夕陽下牛背

寶峯

陳舜俞騎牛處

屯田抗新法酒稅監南康騎牛尋故人西澗雲水香畫者李公麟亦愛老子狂

木瓜洞

石松隱舊居

香蘇山館詩集卷九

黃冠種瓜地閉門讀吾書靜者心自妙湛若月映虛種
花七十年春風滿庭除

石鏡溪

下有黃山谷題字

石鏡照清溪下有涪翁字曾記洪家兒投石爲水戲白
龍今未還斷壁流雲氣

雲液泉

山多雲母石雲液爲乳泉旱潦無改性清甘有靈源江
湖豈不寬愧此常涓涓

景德觀

觀前俯澄泓觀後依嶄絕白龍領下珠夜夜吐寒月古

柏雖被焚妙得金丹活

圓通寺

六一舊游地繼者惟三蘇二亭名不朽萬畝田俱蕪不
若誦華嚴淡泊常有餘

茶話石

石生禪
師舊居

石公入定處荒庵連大朴幽香出叢碧孤花何處尋一
坐茶話石風泉生道心

睡足庵

玉澗道人崔
誠老舊居

道人居玉京澗水亦鳴玉彈琴寫其聲可補醉翁曲琴
罷有餘閒一庵春睡足

黃龍觀

文女真
上昇處

女真道既成竟跨黃龍去潭水今猶腥旁卧千年樹磬聲雲外來泠泠發清悟

符載之隱居

百萬買山錢只費書數尺如何辭青城老作諸侯客偕隱有楊衡鶴聲殊自惜

漢巖下老人

堯仁本如天片雲任孤飛臣亦樂其樂王庭無是非不見巖下人此言真息機

示陳壻世慶

汝祖吾父執

東浦方伯

汝父吾弟昆

芝田通守

交以文字篤誼尤

骨肉敦汝在襁褓中議以吾女婚吾家邁多難不敢求

繫援汝祖指謂我書香望此孫俾作君館甥庶幾張衰

門此言在吾耳汝祖先九原汝父乃繼之一官歸旅魂

汝母守孀閨願汝依晨昏汝家故清宦甦勉謀養殮經

理況未善百畝無一存汝年今漸長詎復爲童憎汝業

當有成家學思淵源汝祖擢高第望日以尊起家作

循吏持節多大藩平生湛經術導源自崑崙發爲韓杜

詞碧海騫鵬鯢所著書滿家手澤應尙溫汝欲擷其英

培壅先本根吾年亦就衰奉母棲鄉園慈烏樂反哺野

鶴羞乘軒糟糠不偕老餘哀當鼓盆吾女失所依瘦
交啼痕母教猶未忘內則俾勤繡勞或怯井臼敬可襄
蘋蘩道遠難親迎攜汝歸吾村結褵在貧賤豐齋非所
論明德必有後凍卉蘇春暄願汝早成立夙盟當勿諉
豈惟門楣幸報汝重闈恩

香蘇山館古體詩鈔卷九終